

上海書畫出版社



星周紀事

胡
樸
安
題



星周紀事卷上

王萃元輯

道光二十七八年間粵匪起事勢日蔓延

咸豐三年癸丑春二月十二日南京失陷時予因試事在松江郡城聞制

軍陸笠夫先生

諱建瀛

殉難旋有營兵潰回者述軍門福公亦抗節不屈於

是居民驚惶無措遷徙一空

三月初二日學憲何根雲先生

諱桂清

按臨歲試生員多報游學與試者甚

屬寥寥卽文武童生亦大半潦草塞責每逢局門考試天陰晦寒雨一日地震數次人人危懼二十二日試畢學憲諭諸生以靜鎮爲上且慷慨

談經濟以爲武夫不足與有爲也 方南京之陷也承平日久民不知兵

風鶴之驚千里一轍幸向軍門

諱榮

提大兵東下紮營孝陵衛築長圍困之

賊匪不至下竄東南半壁藉以支撐者七八年然而人心思亂土匪內訌
先是有青浦縣境向充地保之莠民周立春霸糧滋事鄉愚被其脅從於
黃渡舊青浦地方聚衆拒捕官不能制潛與雜居上海之閩廣匪徒勾結
聯絡約日舉事

秋八月初五日閩廣匪夥潘可祥混名小景子率領匪衆闖入縣署縣尊

袁公

諱祖憲

罵賊遇害賊首劉麗川等刦獄據城

初七日予因探視親串

到城見匪類以紅布裹頭爲號四城門徧貼僞示如醉如狂夜郎自大爲
之憤甚鄉間訛言四起朝不保暮旋聞南匯川沙嘉定亦相繼失守 十

四日賽神宴會約共保守鄉里 十五日周立春破青浦城據之 十六日上海踞匪猝至法華鎮被該處鄉民格殺不少 十八日又至被格殺三四十人 二十日臬憲吉公諱爾杭阿統兵攻克青浦城南匯川沙嘉定亦相繼克復逆首周立春就擒送省垣正法 二十七日吳淞江兵船絡繹而下卽殺死衝鋒賊四十餘人嗣後東北隅砲聲日夜不絕

九月十四日龍華陳心泉持府尊藍公

諱蔚雲

諭單來以該鎮設立義民局

經費支絀諭老人於永榮等四布莊借捐錢數百千文以濟餉需予告以俟老人蘇州回時遵辦伊執不允 十六十七等日予同程春園姻丈至各布莊告知此事皆推諉多端 二十三日老人自蘇州歸旋患瘧疾

冬十月初一日委員章廷颺

號補齊

齋府憲諭單來并囑老人自至南營面

稟 初二日晚潮退時同委員扶病乘船赴滬弟子誅從 初三日見府

尊稟述一切詎義民局中彭泰等於府尊前搬弄是非遂將老人船管押在白蓮涇地方并派糧勇十名到船看守滋擾不堪予以朱提若干始散去 初四日清晨予詣白蓮涇舟中問視起居幸瘡疾漸愈囑子誅小心侍奉予乃至森盛布號晤朱心農商酌事理詎心農一味支吾毫無實際仍至鄉間四布莊達老人之意脣焦舌敝置若罔聞甚有如昌記莊夥朱葵卿者見予將至其門竟越窗而去避匿不會面也不得已將家中舊存棉花賤售湊成佛餅四百枚具稟奉繳求釋放詎府尊入彭泰等之譖意猶未慊銀則收而稟不准也時城中布號俱遷在浦東予欲與月湖叔父及春園令鄧翼卿表叔過浦告貸而天適大雨乃取草屨一雙纏於足冒

雨而行自新橋至三林塘周浦諸處不下四五十里泥水沒於脛衣服盡溼至則晤奕昌號友陳啓暉告以意頗似首肯爲鄭正己所阻卒不應乃於周浦僱一小舟約行二十餘里抵新場鎮晤倪畚甫蒙貸百金吾等三人匆匆出門不攜行李此間又無客寓夜宿舟中時已十月下旬雨止天晴西北風驟起睡至半夜寒氣入骨幾不能伸縮焉 二十六日步至諸翟鎮僱舟赴蘇拉汪漢賢同至興號錢莊晤倪小山囑其籌辦若干守候數日始辦得三百金

十一月十一日回里東移西挪又湊成六百枚之數將去奉繳并送委員馬姓門工王姓共百餘金 二十一日始釋放歸子詵從歸是役也連舟盤使用共千餘金雖因公而費以後均有着落而措辦艱難實予小子生

平第一次棘手事也

四年甲寅春三月初九日予時僑寓蘇州望齊門外忽有游勇紛紛沿街騷擾詢其故乃知上海大營於本月初六日被西人衝散潰勇到處滋事法華北新涇一帶大遭擄掠爲之罷市云

夏四月初五日老人時在蘇州予居家中約黎明時熟眠未醒忽聞槍砲聲四面旋繞未幾寢門壞戴軍裝帽者蜂擁而入予意是潰勇爲患矣豈知有阜隸撩帷帳挽予髮問曰爾是王某之子否予曰然卽用十外斤大鍊條套予頸牽至陶然廬有蓄髮賊跪在地座上官員三位其六品翎頂者詢知爲縣尊孫公

諱豐號蘭溪

謂予曰本縣奉撫憲札以昨夜大營獲奸細莫

姓據供爾父與賊目小景子有舊去年寄火藥數十甕在汝家特委營官

二員帶領撫標兵四百名飭本縣協同到此起賊予聞此語心始慰對曰果有此可逐處查檢也公乃同二營官閱視殆遍謂予曰吾固知此係誣害但吾奉撫憲札須銷差爾宜隨吾去事得明白即可歸爾時兵勇擾攘居民除婦女外皆係繫之公飭令釋放有某勇擄永榮莊布若干匹公見之欲以軍法從事以故整隊而返不至大肆騷擾已刻至法華阜隸繫予於公館門首之班房中居有頃公坐堂訊供二營官亦旁設座予與莫姓對質辭既窮公命將阜隸所繫之鍊條解去謂予曰可至外邊用飯卽隨吾至大營午刻予隨公至大王廟大營守候至申酉之交營弁喚予入有藍頂官員設小桌倚楹坐操土音訊予曰爾父與小景子有舊否予曰無有宿讎否予曰無然則曷爲莫姓賊供有火藥寄爾家乎予曰不知也命

予起方下階有僮僕復喚予入引至東側廂有紅頂官員在予摠衣跪卽扶以起相與並立而語皆中州白不可曉旣出則有持令箭者與俱跟行之阜隸謂予曰頃戴紅頂者卽吉大人也頃所語者蓋謂此賊無端誣陷可惡之至當卽殺此賊俾汝觀之故持令箭出者將殺莫姓賊也予曰時已晚不及觀矣遂匆匆肩輿而返合家欣慰方縣尊之奉撫憲扎也本限三更時帶兵啓行公曰是不可倉猝當俟天漸明故得以無恙設於三更卽至居民不知緣由將謂潰勇滋事勢必格鬥則彌天之禍其可測耶予家感公厚德卽恭送明察秋毫匾式嗣於滬城克復後懸之公館是役也如迅雷驟雨頃刻卽見青天然卒不解其何故久之始悉顛末蓋去年冬間老人被押白蓮涇時有森盛號管門者松江人王棣生代號友奔走官

場得六品功牌遂乃遇事生風倚勢嚇詐圖騙錢財老人窺破其計不爲動迨釋放歸又坐轎至予家硬索卒不予以此懷恨莫姓卽爲棣生抬轎者也性癡呆棣生指使伊僞爲奸細且教以如是云云可大獲當與之瓜分莫姓者聽其計以致延頸受戮至明年四月初五日歲恰一週棣生病爲莫姓冤魂所攝死極慘可謂報應之巧矣自去年八九月以來上海水陸大兵雲集北至於大王廟西至於羅家灣營壘相望南則至高昌廟沿浦直至王家碼頭舳舻銜尾旌旗蔽天惟小東門外卽是彝場並無官兵阻截城中火藥米糧皆從該處接濟並有奸民販賣鹽菜挑運糞穢以故曠日持久雖屢獲勝仗且用地雷轟塌城頭數丈卒不能得手至是年秋冬之交臬憲湯公

諱雲松

建議於東門起直至北門築圍牆數百丈由是接

濟之路遂絕十二月下旬有人自城內逃出者述賊匪業已絕糧百姓更苦不可言樹皮草根搜掘殆盡有以鞋底牛皮燙烱作食者除夕聞砲聲震地較平時尤甚

五年乙卯春王正月初一日清晨東北隅煙焰直透霄漢旋得確信知已於是時克復矣未幾有執旗賊二十餘名被官兵追至程家橋地方鄉民阻截相與斬殺淨盡據云賊首劉麗川卽在其中也 初八日與子誅進城一覽滿城焦土觸目可憐晤親友之被陷城中者告予曰若再緩二三日破城則吾輩皆登鬼錄矣蓋以并無牛皮作食也 嗣蒙各大憲撫輯殘黎招集商旅諭紳士設局辦理善後事宜并諭大戶捐輸鉅款城垣官署學舍巖宮次第修造期年之間百廢具舉上海本係萬商雲集之處興

復最易曾不轉瞬而閭閻樂利闐闐喧闐較從前有過之無不及然非有
向帥長城之倚爲蘇常屏蔽吾儕小人何以有此安居故當日士民莫不
頌向帥爲萬家生佛也

六年丙辰夏五月撫憲吉公殉難九華山

冬十月弟子誨受知於學憲李小湖先生

名聯琇

補上海學宮弟子員

七年丁巳冬十一月官軍克復鎮江瓜州

八年戊午夏孝陵衛大營失守向帥退保丹陽未幾薨逝幸軍門張公

諱國樑

忠義勇敢蹶而復振進紮孝陵衛其爲士民所仰望一如向帥

九年己未春大憲奏本年本省恩科及丁卯正科鄉試借浙闈舉行

秋七月奉旨準於十月補行

九月予小子昆弟皆赴杭應試得以暢遊西湖極一時之樂

冬十一月下第是科上海中式者連北榜共七人爲數十年來所未有之盛說者謂學宮移建西城乃地氣靈秀之所致也

十年庚申春二月下旬杭州省城失守

三月初間卽克復時學憲孫蓮塘先生

名葆元

按臨科試予應其試松江居

民驚惶遷徙情形與天氣之陰晦試事之潦草視癸丑春間無異也 十

四日得家信知老母病重多方調護卒不效

二十一日戌刻竟棄

不孝

等而長逝搶地呼天萬死莫贖蓋自十四日星夜馳歸至此纔八日奉養

無狀彌切疚心 二十三日未刻大殮遵例成服柩停陶然廬東偏此間

有章鐵珊學師

諱安行

及供布局友李子芑挈眷口來避地皆僦居麓莊叔

父空房內

閏三月二十一日子善弟就入學吉辰續膠 二十五日五七蒙親友咸來弔奠

夏四月初二日六七在安國寺仗僧誦經忽張姑夫自城中來述云近日西路風聲殊屬欠佳自此以後訛言紛紛不一 十三日詠春章師兄來述備悉金陵大營業經衝散張軍門退守丹陽被悍賊攻破殉難丹陽城外常州無錫望風瓦解制軍何根雲先生坐守常州兵齊餉足賊至不交一兵不折一矢卽攜眷口下船逃至上海和軍門行抵潞關自縊身死十五日因時事莫測謹將先妣靈柩權厝金家池祖塋西偏用泥土堆積封固 十六日潮漲時有西兵十四船往西據云至七寶紮營防堵 二

十日藩署課丁浦子眉踉蹌而來據述省垣於十三日辰刻失守撫憲徐

公

諱有壬

殉難官紳士庶橫遭荼毒慘不忍言現賊勢猖獗不日將東竄云

二十一日前往七寶之兵船盡數回東而風聲之緊日甚一日

五月初五日聞太倉嘉定均失守

初八日陳心農戴少安來奉縣尊劉

公

諱郁膏

諭辦團練飭各棚業每圖湊足錢一百千文逢有警報戶出一人

堵禦卽按名各給錢一百文俟該錢用盡再行安定章程 十三日青浦

失守 十四日松江失守時立河北泥岡上見有煙起後二日與衆瞭望

煙起亦如之 十七日更許方睡聞砲聲不絕披衣出門一望見西南隅

火光徹天 二十日晚有官兵往西 二十二日西南隅火光又起 二

十七日午後西面鑼聲大震探知賊已至泗涇鎮一時居民紛紛驚避先

是聞省垣失守之信囑內子挈兒輩避居俞在明姑夫家有時風聲稍靖則又回來如是者率以爲常是日仍將根雲兩兒寄俞處內子挈三兒至西牌樓鄒姓寓舍予於夜間亦往俞處一路見火光直逼霄漢 二十八日至西牌樓晤李子芑述昨夜四鼓時老人及諸弟避至王滿泗橋汪雨田家 二十九日辰刻歸家見老人知昨夜避至王笏山府上鄉人均暗匿田間雖顛仆不顧也蓋是夜也火光燭天鑼聲震地而並不見一兵亦不見一賊詢之西路親友到處皆然真奇事也初劉明府諭辦團練鄉愚以爲自南京至蘇省節節重兵防守猶且不能支持今以上海一隅無兵無餉而欲使吾輩農夫力圖抗拒不亦難乎卽在稍知事理者亦不敢謂此舉之有成也至是夜賊至七寶鎮西市梢被該處居民連放二砲擊斃